

金丹心法後跋

驚嶺名巖業邈波羅之誦壺天湛寂常留洞口之春飛紫誥之
靈文不待攀龍鼎下結青神之妙契何煩抱犢山前然而肉眼
迷茫錯寶砒硃驚白壁塵心眩愕空將魅魍詫蒼龍誰分太極
之泉罔辨元和之液八祖金丹心法崑山削柱聚窟凝香標羣
嶺以中黃弱水豁三千世界揭恆星於太紫層城分十二樓臺
不侈風螭月母之譚上接危微奧旨非陳丹溜玉杯之論宏開
道德奇文言有大而非夸意無微而不入但使因言索解毋泥
格以求辭會意旁搜必尋端而竟委則古洞啟桃花之徑人分
絳雪而來春田懸桂實之英藥杵立霜以去車馳八景行藏偕

道藏輯要

金丹心法下
飛昇

辛

又壁集六
川又六

五色烟霞馭叱三清往復任雙鳧蹀躞時與赤松上下笑遼陽
之塚壘纍漫從黃石逍遙看姑射之風襲襲予光分綠簡杖持
青藜藏柱下之鴻篇色集宮雲紅近日待人間之鳳舉香迎仙
珮暖宜春謹賦短章附蠅聲於驥尾還期來學同鵲起於龍門

祖師門下溪守靜稽首拜識